

զաքին և առ Բգեչլան եւս, եւ ընդ աղետին իւրոյ առաջի
 արար նոցա զգրեանս և զհրովարտակն Սէլիմայ Արքային .
 և խնդրեաց 'ի նոցանէ զիւր առնել սակաւ ինչ 'ի տառա-
 պանաց, որ ծանրանայր գամ քան զգամ 'ի վերայ իւր և
 իւրոցն, եւ նոքա յանձն առին դրել եւ ծանուցանել 'ի
 Գուռն զտառապանս նորին, և խնդրել յԱրքայէ հրովար-
 տակաւ բառնալ զամենայն խոչս՝ զորս պատմեաց նոցա .
 իսկ գատաւորն յաւել 'ի գրի իւրում, թէ Հայք տաղտ-
 կացեալ են յերեսաց բռնութեանց այլազգեաց, եւ խոր-
 հին թողուլ և լքանել զվանօրայս եւ զբնակութիւնս իւ-
 րեանց, եւ մեկնեալ աստի գնալ տարադէս, ուստի հա-
 սանէ փնաս մեծ դասուց գիտնականաց, զոր կարգեալ է
 Սիւլէյման Արքայ ընթեռնուլ զիւրանն վասն հոգւոյ հօր
 իւրոյ Սէլիմայ, զի տարեկան հասք նոցին ելանէ 'ի վա-
 նօրէից անախ: Ի հասանիլ գրոյն 'ի թագաւորեալ քա-
 ղաքն և 'ի ծանուցանել Սուլթան Իպրահիմայ . գրեցաւ
 հրովարտակ (Սաթթի Շէրիֆ) բառնալ զանկարգութիւնս
 այլազգեաց, և չպահանջել ումեք 'ի նոցանէ՝ և ոչ դանկ
 մի . յանդորրու պահել զՊատրիարքն և զմիաբանս Հայոց,
 որպէս եւ էինն յառաջագոյն . 'ի վերջ Զիհիճճէ, \ 002
 (1644):

Զկնի երկուց ամաց եհաս հրովարտակ յԱրքայէ յերու-
 տադէմ, վասն խնդրոյ այրին Մննդեան, զորմէ գրեցաք
 յառաջագոյն, առեալ դայն Գրիգորի Պատրիարքի չոքաւ
 առ գատաւորն, ուր էր եւ իչխող քաղաքին Մէհէմմէտ
 Փաշայ, կազմեցաւ ժողով մեծ 'ի գատարանն՝ կոչեցան
 փոխանորդն Լատինաց Պետրոս եւ թարգմանն Յունաց
 Իպրահիմ, և ընթերցաւ հրովարտակն առաջի ամենեցուն,
 և իմաստք նորին բացատրեալ ծանուցաւ 'ի ձեռն թարգ-
 մանի՝ փոխանորդին Լատինաց, և նա հնազանդեցաւ հը-
 րամանին: Ապա եհարց գատաւորն ցթարգմանն Յունաց,
 եթէ ունի՞ք ասէ զայլ հրաման նոր թուականաւ հակառակ
 այսմ, մատո՞ւ այսր, և նա արար պատասխանի թէ ոչ ու-
 նին . սակայն Հայք ասէ՝ չունին իրաւունս պատարագելոյ
 խնկարկելոյ և կանխեղս լուցանելոյ յայրն Մննդեան: Առ
 որ իբր պատասխանի մատոյց Գրիգոր առեանին զառաջին
 գրեանս՝ զորս պատրաստ ունէր առ իւր, յորոց յայանի